



UDRUŽENJE "DRUŠTVO PSIHOLOGA U FEDERACIJI BOSNE I
HERCEGOVINE"

Bosna i Hercegovina
Federacija Bosne i Hercegovine
Društvo psihologa FBiH
Gajev trg 4/4
71 000 Sarajevo
BiH

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 15-05-2024			
Org. jed.	Broj	Priloga	Vrijednost
02-	02-	3000	/23.

Dom narod Parlamenta Federacije Bosne i Hercegovine
Parlament FBiH

Hamdije Kreševljakovića br.3 71 000 Sarajevo, BiH
n/r Tomislav Martinović, predsjedavajući Doma naroda Parlamenta F BiH
cc: Nezim Alagić, potpredsjedavajući Doma naroda Parlamenta F BiH
Slađan Ilić potpredsjedavajući Doma naroda Parlamenta F BiH Damir Džeba,
potpredsjedavajući Doma naroda Parlamenta F BiH
Izmir Hadžiavdzić, sekretar Doma naroda Parlamenta Federacije BiH

Poštovani,

Na 10. redovnoj sjednici Predstavničkog doma Parlamenta Federacije BiH, koja je održana 22. 04. 2024. godine, usvojen je nacrt Zakona o djelatnosti psihologa u FBiH. U pripremi za navedenu sjednicu, tokom diskusije članova Predstavničkog doma, pojavile su se određene inicijative i otvorilo se nekoliko važnih pitanja. Cijeneći važnost svakog člana Doma naroda, a na pojedine navode i inicijative, u nastavku vam želimo pojasniti nekoliko ključnih činjenica važnih za dostavljeni tekst nacrta Zakona o djelatnosti psihologa u FBiH. Obzirom da je Društvo psihologa u FBiH od 2008. godine zagovornik usvajanja ovog zakona, ovom prilikom vas pozivamo da podržite usvajanje predloženog teksta nacrta Zakona, bez bilo kakvih dorada i izmjena, a razlozi su sljedeći:

1. Nacrt Zakona o djelatnosti psihologa u FBiH je u skladu sa EuroPsy standardima

EuroPsy (ili Evropski certifikat iz psihologije¹) koji je usvojen od strane EFPA (European Federation of Psychologist's Associations) predstavlja veliki korak naprijed u promoviranju mobilnosti psihologa i pristupa klijenata visokokvalitetnim psihološkim uslugama širom Evrope. Oslonjen na obrazovni okvir i minimalne standarde iz EuroPsyT usvojene 2001. godine i Okvir za Evropsku diplomu usuglašen 2005. godine, EuroPsy predstavlja kriterije, odnosno set evropskih standarda za psihologiju koji će služiti kao osnova za procjenu akademskog obrazovanja i stručne obuke za psihologe u državama članicama Evropske unije (EU). EuroPsy definira standarde koje je potrebno zadovoljiti da bi se mogla obavljati samostalna praksa na osnovnom nivou i na specijalističkom nivou u posebnim granama psihologije (psihoterapija, psihologija rada i organizacijska psihologija, edukacijska psihologija, itd.).

Dodatak II EuroPsy standarda objašnjava obrazovne kriterije. Formulacija osnovnog okvira ovih kriterija zasnovana je na modelu nastavnog plana i programa koji razlikuje tri faze:

1. faza *Bakalaureat ili ekvivalentno zvanje* - nudi osnovnu edukaciju iz svih psiholoških specijalnosti, glavnih teorija i psiholoških tehnika, te daje bazični uvod u psihološke vještine i temelj za istraživački rad u psihologiji. *Ovaj nivo obrazovanja ne vodi stjecanju bilo koje stručne kvalifikacije iz psihologije niti pruža neophodne kompetencije za nezavisnu psihološku praksu.*

2. faza *Magistar ili ekvivalentno zvanje* - program u drugoj fazi priprema studenta za samostalnu stručnu praksu. Ovaj dio plana može biti nediferenciran te pripremati studenta za budući doktorski studij ili za "opću praksu" iz psihologije, ili biti diferenciran i pripremati studenta za praksu unutar određenog područja u psihologiji kao što su (I) klinička ili zdravstvena psihologija, (II) edukacijska ili školska psihologija, (III) psihologija rada i organizacije ili (IV) druga područja.

3. faza *Supervizirana praksa* – provodi se u određenom području psihološke struke. Ova praksa se može smatrati stručnom terenskom obukom čiji je cilj:

- priprema za samostalnu praksu u svojstvu licenciranog psihologa (ili u ekvivalentnom svojstvu);
- razvoj radnih uloga profesionalnih psihologa na osnovu njihove specifične spreme i osobnosti;
- konsolidiranje integracije teorijskog i praktičnog znanja

Prema EuroPsy nastavni plan i program mora trajati najmanje 5 godina (300 ECTS) koje mogu biti podijeljene na prvu fazu od 180 jedinica i drugu fazu od 120 jedinica (što je podudarno s bolonjskom "3+2" strukturom za stupnjeve bakalaureata i magistra), mada se fakulteti i države razlikuju po

¹ <http://www.europsy-efpa.eu/regulations>